

Մի ճրագ խաւարի դէմ իր թարթիչներն էր շարժում :

— Հանդատացէք: Ես ոչ ոքի ոչինչ չեմ քարոզում, այդքան էլ միամիտ չեմ: Ինձ համար հաճելի է խաւարի մէջ բարձր մտածել, եթէ ուզում էք, խոստովանել... Ես գիտեմ, որ մենք տարբեր յեղուններ ենք խօսում եւ երբեք մէկզմէկ չպիտի հասկանանք: Եւ ո՞վ է իմանում, կարելի է աւելի լաւ է, որ մէկզմէկ չհասկանանք... Դուք կարծում էք, որ ես կառչած եմ բոլոր հին քարերին, որովհետեւ քարը ձեզ համար պարզ նիւթ է, մեռած մի կարծրութիւն, որը կարելի է տաշել, երբ ուզես եւ ինչպէս ուզես. քարը քանակ է, ծանրութիւն, արտաքին ձեւ... Ըստ ձեզ բոլոր այն սերունդները, որոնք Պարթեւոնի մի կտոր սիւնի վրայ նորանոր իմաստների գլխուն են արել, պարզապէս յիմարներ են, եւ դուք Ակրօպոլիսի վրայ պիտի նախընտրէք ինքնաշարժների մի զարած շինել: Արդ, ինչպէ՞ս էք հասկանում, որ, եթէ արդի եւրոպական մարդկութիւնը ուրանայ եւ փչրէ դօրիական սիւնը՝ Արեւմուտքը ամբողջ իր անցեալով կը տապալի փիհի մէջ: Հոռո՞ք իր մաշուած ակոսներով հողերը կը խածնէ, կաթեղրայնները փշուր փշուր կը լինեն, Զիօտօսն կը գունաթափի, Կուատրօզնետոն թաւալ կուգայ անկարելի մի դժոխքի մէջ: Կանտը, Ֆիխտէն, Հեգելը պապուսների նման հինգից աւելի իրենց մտերի վրա չեն կարող հաշուել եւ ձեր Մարքը «Կապիտալը» գրելու տեղ դաւաճաքողաբի սինագոգում փայտէ կոճակ կը ծախի: Մաշուած այն քարերը, որոնց մասին ես խօսում եմ, մարդկութեան մտքի եւ հոգու ծանրութիւնը պահող վիթխարի սիւններ են, եւ ոչ ոք իրաւունք չունի նրանց վրայ թեթեւօրէն նայելու: Սեւանայ կղզու սպրդնած եւ չքաւոր քարերը դեռ շարունակում են խօսել հեռաւոր աշխարհներին եւ իրենց զսպուած դօրեղութիւնով ամէն օր, ամէն վայրկեան, լեռներից ասդին եւ լեռներից անդին, կառուցում են հոյակապ եւ մեծղի շէնքեր: Նրանք արարչական են, ինչպէս նախասկիզբ խօսքը, եւ բոցավառ առանցքի նման ժողովում են իրենց շուրջը ծովերը եւ երկիրները:

Ահա մութի մէջ մենք առաջանում ենք

գրեթէ կուրացած: Ամէն ինչ լքումի եւ մինակութեան հետ խուլօրէն մենախօսում է: Սաւարը քարչ է գալիս վիրաւորուած մարմնի պէս, եւ լեռները ծանրօրէն լռում են: Սակայն, ես այդ զգում եմ խորապէս, ինչ որ մի ուժ մեր վրայ հսկում է, հոգեկան եւ Փիղիքական կենդանութիւն է տալիս, մտքի մէջ թեւեր է բաց անում եւ մեր, ուխտաւորի ցուպի վրայ կրակ է շարժում: Ես գիտեմ, այդ ուժը գալիս է Սեւանայ կղզուց: Գիշերը, հողերը, լիճը, լեռները եւ տունների մէջ փակուած մարդիկ՝ բանականութեան համար անհասկանալի, բայց շատ խոր եւ շատ իրական հաղորդակցութեան մէջ են: Եւ վաղը, երբ իսկական հայ մարդը կը լսի իր գլխի կատարին մի կտոր արչալոյս կըրող աքորի ձայնը եւ կը բանայ պատուհանը, նա, առանց գիտնալու, համակուած կը լինի գիշերային հաղորդակցութեան մէջ ստացած հոգեկան պաշարով եւ իր ամէն մի ժեստը, ամէն մի խօսքը եւ ամէն մի գործը կը ներդաշնակի խորախոր այն ոգու հետ, որը նրա էութեան կենտրոնն է կազմում: Ուստի եւ սխալ է ձեր այն կարծիքը, որ ես դէմ եմ ձեր կառուցողական աշխատանքին: Ես դէմ եմ ձեր երեւութական երազին, որը կոչուած է ուշաթափուելու, եթէ դարերի մէջ կառուցուած հայ ոգու բարձրարեւմտ աշտարակի ճառագայթումը շարտացոլի:

Իմ Աստուածս թուարանական հաշիւ չէ, այլ իրական Աստուած է: Ես նրան գտել եմ անիշխանական կամքիս դաժան պեղումներով, երկար եւ դժուարին որոնումներից յետոյ, ցաւով եւ տառապանքով: Ասում եմ ձեզ, նա՛ է կեանքը...

* * *

Արդէն մտել ենք Նոր-Բայազետ:

Մութ է:

Փոշի եւ լուութիւն: Ուշ մնացած մի սայլ է անցնում: Կովերը գնում են տատանուելով. գիւղացին շարժում է երկար մի ճրպոտ:

Հաղուազիւտ պատուհանների ետեւ հաղուազիւտ եւ աղօտ լոյսեր: Մի պառաւ կին դէմքը պատուհանին է տալիս եւ մեզ չի տեսնում:

Մի եկեղեցի ուսերը դէմ է տուել երկըն-